

皇朝詞林典故

卷十
一二

PL
2548
C55
1887
v. 12

LIBRARY
MAR 24 1975
UNIVERSITY OF TORONTO

皇朝詞林典故卷二十一

職掌 附詹事府

詞臣所掌。論思獻納。地分清嚴。自漢
有尚書郎。專主文書起草。而天祿讐
書。金門待詔。皆以校正圖籍。撰集篇
章。唐宋以來。祕省集賢。制益詳備。前
明併省祕書國史等官。凡文學之事。

胥歸詞苑。我

朝初立內三院。後仍設翰林院。

列聖相承。

崇文重道。職掌所分。視前代尤爲美備。凡

夫珥筆

螭坳。紬書

鼇禁。與夫承

顧問之榮。膺輶軒之寵者。一廁其間。皆屬聖主非常之委任。有位於茲者。宜如何兢

兢焉。

聖祖天聰十年三月。定內三院職掌。國史

院。掌記注

起居詔令。收藏

御製文字。凡用兵行政事宜。編纂史書。撰

擬郊

天告

廟祝文及

陞殿宣讀慶賀表文纂修

祖宗實錄撰擬礦誌文。編纂機密文移。及各

聖主官章奏。掌記官員陞降文冊。撰擬功

勳。問臣母妻

誥命印文。追贈諸貝勒冊文。凡六部事宜。
可入史冊者。選擇記載。一應遠方往
來書札。俱編爲史冊。祕書院掌撰外
國往來書札。並錄各衙門奏疏。及詞
狀。

勅諭文武各官勅書。告祭

文廟。

諭祭文武各官文。弘文院掌注釋歷代行事善惡進講。

御前侍講。

皇子並教諸親王頒行制度。順治十六年三月定翰林院職掌一。

經筵日講。撰擬講章。外藩奏書會四譯館官繙譯。一。考選庶吉士。一。開列教

習庶吉士職名。一纂修繙譯書史。一開列纂修職名。一會試鄉試及武會試主考開列職名。一撰擬封贈

誥勅開列翰林官職名。一題補翰林官員

及差遣俸滿丁憂給假行文等項。

侍直。一侍班。一扈從。一貼黃。一修

玉牒。一捧

勅書一。教內書堂一。上

陵一。分獻一。冊封一。齋

詔。

掌院學士掌

國史圖籍制誥文章之事。

侍讀。侍講學士。侍讀侍講修撰。編修。

檢討。掌撰述編輯。暴直。

經幄。

庶吉士。入館肄業。不任以事。

講筵

順治十年

諭內三院。朕惟修己治人。大經大法。備載經史。欲與翰林諸臣。明其義理。但內院尙非經筵日講之地。著工部卽將文華殿作速

起造。以便講求古訓。卽傳諭行。

十四年以

文華殿工未竣。先於

保和殿開講。厥後每歲春秋二仲。舉行
各一次。由院列講官名。奏請

欽定。滿漢各二人。直講官同掌院學士會
擬所講書。奏定。撰講章。繕清漢文進

呈。

欽定後繕正副本恭摺

御諭發出繙譯清文進呈屆期

駕御文華殿講官進講講畢恭聆

御諭禮成本院官恭進

御諭及講章正本

康熙八年給事中劉如漢疏言帝王

首務莫大於視學。莫急於經筵。伏考
世祖章皇帝親政之初。躬幸太學。肇舉經筵。
煌煌盛典。載在史冊。我

皇上睿知聰明。善繼善述。無事不以

世祖章皇帝爲法。經筵日講。已屢奉

諭旨。仰見我

皇上尊經重道之至意。請勅禮部詳考舊章。

先行日講。次舉經筵。選擇儒臣。分班進講。

上嘉其言。下部議行。

日講

順治十二年定

日講之禮。每歲自二月

經筵後始。夏至日止。八月

經筵後始。冬至日止。每日於部院官奏
事後進講。講章繕錄正副二本。以正
本先期進呈。本日掌院學士率講官
二員。或三員。以副本進講。歲終彙寫
以聞。

謹按日講。遇祀日致齋停止。如

遣官恭代。則仍進講。

康熙十二年

諭講官等。方今秋爽。正宜講書。爾等卽於二十五日進講。

十二年二月。

諭學士傳達禮等。人主臨御天下。建極綏猷。未有不以講學明理爲先務。朕聽政之暇。向來隔日進講。朕心猶然未愜。嗣後爾等

須日侍講讀。闡發書旨。爲學之功。庶可無間。

是年三月。

諭學士傳達禮。朕以修葺宮殿。移駐瀛臺。暫留數日。夫進講。所以致知。蓄德。期於日新。未容稍間。講官其日至瀛臺。照常進講。

是年五月。

諭學士傳達禮等曰。學問之道。必無間斷。方有裨益。以後寒暑不必輟講。

十三年。

諭學士傳達禮曰。日講關係重大。日月易遷。恐致荒疎。雖當此多事之時。不妨乘間進講。於軍事無悞。工夫不間。則裨益身心。良非淺鮮。爾衙門議奏。尋掌院學士等奏。機

務繁重。請問一日進講。

上曰。軍機事情。有間數日一至者。亦有數日連至者。不可以日期。其仍每日進講。以應朕倦倦嚮學之意。

十四年四月。

諭講官。日講原期。有益身心。增長學問。今止講官進講。朕不覆講。但循舊例。日久將成。

故事。不惟於學問之道無益。亦非所以爲法於後世也。嗣後進講時。講官講畢。朕仍覆講。如此互相討論。庶幾有裨實學。

是年十一月。

上御弘德殿。講官傳達禮孫在豐。張英進講畢。傳達禮請

旨。舊例冬至以後輟講。

上諭天氣猶未甚寒。仍令進講。

十五年。

諭講官喇沙里等曰。經書屢經講讀。朕心業

已熟曉。通鑑一書。事關前代得失。甚有裨

於治道。作何揀擇。撰擬講章。進講。爾等議

奏。尋奏。資治通鑑一書。統貫諸史。最爲詳

備。而通鑑綱目。又從資治通鑑中提

綱分目。尤得要領。擬從綱目中擇切要事實。進講講章體裁。首列綱。次列目。每條之後。總括大義。撰爲講說。其先儒論斷可採者。亦酌量附入。從之。
十六年。

諭大學士等曰。帝王之學。以明理爲先。格物致知。必資講論。向來日講。惟講官敷陳講

章於經史精義。未能研究印證。朕心終有
未慊。前曾諭內閣諸臣。或朕自講朱註。或
解說講章。內閣諸臣奏稱。朕宜隨便發明
書旨。不必豫定規程。今思講學必互相闡
發。方能融會義理。有裨身心。以後日講。或
應朕躬自講朱註。或解說講章。仍令講官
照常進講。爾等會同翰林院學士議奏。尋

議。講官進講時。

皇上隨意。或先將四書朱註。講解。或先將通鑑等書講解。俾得瞻仰。

聖學。講畢。講官仍照常進講。則理義益加闡發。而裨益宏多矣。從之。

十七年。定制。

日講講章。停止。歲終彙寫。止具本奏聞。

十九年四月。

諭翰林院掌院學士葉方藹曰。尚書紀載帝王道法。關切治理。朕留心研究。期於貫通。講幄諸臣。講解明晰。深有裨於典學。著將尚書講義刊刻頒行。

是年十月。

上御懋勤殿。親講易經。噬嗑卦辭。講官庫勒

納。葉方藹等。進所撰乾坤二卦總論。
上覽畢。諭曰。卦爻之義。原各不同。卽如噬嗑。
一卦中四爻。主用刑者。言初上二爻。主受
刑者。言每爻各有取義。必得總論發揮。方
覺全卦之義了然。諸卦可俱倣此撰進。

二十一年。

上御乾清宮。講官牛鈕等進講。睽卦彖象畢。

上曰。講義云。一國非之而不顧。天下非之而不顧。此必認得道理真。乃爲無弊。否則反爲乖矣。

二十二年。講官進講易豐卦三節。

上曰。彖傳講章云。驕心一生。何所不至。故聖人惕之以憂。此所發明極是。滿招損謙受。益聖人久安長治之道。則在能持滿而已。

又

諭講官等曰。朕每旦未明求衣。坐待部院奏事。既奏事畢。然後入講。不惟遲延晷刻。亦且稽悞工夫。自後於未啟奏前進講。方得從容議論。多所發明。自是講官待漏宮門。甫辨色。

上已御講筵矣。

二十三年四月

上御乾清宮。親講易乾卦亢龍有悔一節。講畢。

諭講官等曰。亢龍有悔一節。何以注在不應講之列。天道人事。亢則有悔。易中所言。無非此理。正宜以此爲戒。不必避忌。以後繫辭講章。不分應講與不應講。以次逐節進。

講。

是月翰林院刊成日講易經解義進

呈

御覽。

上曰。易經闡發天人理數道統攸關。朕朝夕披玩。冀造精微。講幄諸臣殫心剖晰。有裨典學。其卽頒行。用廣勵臣庶。期臻一道。同

皇朝詩林典故 卷三十一
風之治。

又

諭講官等曰。講官辭取達意。以確切明晰爲
尚。如本文敷衍太多。則篇末未免重複。大
約詮次本文。原在了徹聖賢意旨。而篇末
該括數語。又貴闡明理道。務去陳言。朕閱
張居正尚書四書直解篇末。俱有精實之

義無泛設之詞。今後所撰詩經講章亦須體要備舉。期於盡善。

是年十一月。講官常書等奏。冬至後。向有停講之例。

皇上聖學日新。寒暑無間。今易經講義已畢。將進講詩經。時值沍寒。應否停講。

上諭曰。天氣雖寒。朕於宮中煖閣。可以進講。

且機務少暇。每日披覽經義。於學問多所裨益。不必停講。

二十四年三月。講官尙書孫在豐等

奏恭逢

皇上萬壽節。請自十五日至二十一日。暫停進講。

上傳諭曰。講書深有益於學問。朕愛聽不倦。

前偶爾違和輟講數日。心尙歉然。朕意欲將詩經速速講完。不必停也。

是年四月翰林院奏。

皇上聰明天縱。好學敏求。洵從古所未有。臣等會同詹事等官。正在晝夜撰擬日講講章。伏乞

皇上少緩進講。俾得陸續撰擬進呈。得

皇朝詩林典故 卷三十一
旨仍著按日進講。其講章爾等撰擬後節次
進呈。

二十五年。

諭翰林院掌院學士庫勒納。張英曰。爾等每
日將講章捧至乾清門。豫備詣講筵行禮
進講。爲時良久。妨朕披覽功著。暫停止。春
秋禮記。朕在內。每日講閱。其詩經通鑑講

章。俱交與張英。令其齋至內廷。

記注

凡

御門。

陞殿。

視祝版。

經筵文。

殿試讀卷引

見武

殿試閱視騎射技勇引

見。

錫宴。上元歲除外藩來

朝。有事

壇

廟。謁。

陵。

親。藉。

視。學。

大。閱。

校。射。

迎。勞。凱。旋。受。俘。秋。審。

朝審。

勾到記注官皆侍班。

駐蹕南苑。

巡幸蒐狩記注官皆扈從。

天聰三年。

上命儒臣分爲兩直。巴克什達海同筆帖式
剛林蘇聞固爾嘉渾托布齊等四人繙譯。

漢字書籍。巴克什庫爾禪。同筆帖式吳巴
計查素喀。胡球。詹霸等四人。記注本朝政
事。以昭信史。

五年。

駕幸文館。遂入庫爾禪直房。問所修何書。對
曰。記注。

上所行事。

上曰。此史臣之事。朕不宜觀。

康熙元年。初置起居注。令滿漢記注。

官每月各一員侍直。事畢。以本日應

記之事。用滿漢文記注。

十二年。

諭起居注官胡密色曰。朕適詣

太皇太后宮問安。

太皇太后問朕曰。頃者地動。爾知之否。朕奏
曰。此乃

天心垂異以示警也。

太皇太后諭曰。人君遇有災異。固當益加修
省。然亦在平時用人行政。敬承

天意耳。朕仰繹

慈訓。誠爲克謹天戒之要也。爾其書諸冊。

十四年

諭起居注官朕向詣

兩宮問安。爾等常隨行記注。朕思昏定晨省。

問安視膳。爲子孫者之恒禮。嗣後朕詣

兩宮問安。侍直官不必隨行。

十八年

諭大學士等。朕每日聽政。一切折出票簽。應

商酌者。皆國家切要政務。得失所繫。今後起居注官除照常記注外。遇有折本啟奏。俱令侍班記注。惟會議機密事情。及召諸臣近前口諭。記注官不必侍班。

二十二年。翰林院奏。康熙二十一年起居注冊。應照例會同內閣諸臣看封貯庫。

上曰。記注起居事跡。將以垂之史冊。所關甚要。或在朕前。原未陳奏。乃在外妄稱。如何入奏。如何奉旨。私自緣飾開寫。送起居注館。且每日止該直官二員記注。或因與已相善。特美其辭。與已不相善。故抑其辭。皆未可知。起居注官。能必其皆君子乎。記注冊。朕不欲親閱。朕所行政事。卽不記注。其

善與否。自有天下人記之。爾等傳諭九卿詹事科道等官會議。應作何公看。如以所無之事。誣飾記注者。將嚴懲焉。等大學士

明珠等奏遵

旨詢問九卿。僉云。起居注皆記載機密事宜。垂諸史冊。所關重大。臣等不敢閱。且滿漢起居注官共二十二員。日直記

三才圖會
卷三
載。俱係公同校閱。凡九卿官員所奏之事。從無私自繕寫。送進史館記注之例。如有繕寫送進者。起居注衙門必進呈。

御覽。方敢入冊。向來定例如此。得旨。著仍照舊例。

五十七年。

勅停起居注。記注之事歸內閣。

雍正元年四月。

勅復設起居注。

二年。總理事務王大臣奏。以向來起

居注。僅記折本所降之

旨。殊爲簡畧。請嗣後各衙門奏事。所奉

諭旨。除尋常事件不載外。其有關

訓勵獎勵事務重大者。令各衙門於月終詳錄事由月日送館編纂得

旨允行。

六年。以大學士張廷玉請。令八旗具奏。及補授官職事宜。並移送起居注館。以便記載。

七年。以大學士陳元龍請。令各省

題奏本章。俱增寫揭帖一。通送起居注館。記注後。移交內閣貯之。

乾隆元年五月。掌院學士福敏等奏。起居注官多兼各館修書。又值本年直省鄉試屆期。將次出差典試。請

旨。於新科編檢內。選擇四人協修。記注從之。隨。

派出編修。阮學濬。汪師韓。朱續暉。梁文山。四人是爲協修。記注之始。

謹按記注事例。一。體例先載。

起居次。

諭旨。次題奏。次官員引。

見。一。編記各檔。

上諭簿

絲綸簿。外紀簿。軍機處檔。宗人府檔。理藩院檔。各寺監檔。八旗檔。護軍檔。前鋒檔。

內起居注。宗人府。理藩院。無漢文。應譯出查對。各檔案所有。

諭旨。及官員引。

見除授皆全載。奉。

旨依議。及該部議奏報聞者。俱不載。其有
事關重大。非尋常可比者。臨時酌載。
一。載部本。查畧節。載通本。查揭帖。有
遺落。卽查對紅本。

絲綸簿有疑者。亦須查對紅本。一。載祭祀
行禮。

問

安。

駕臨。

駐蹕。各項俱查照。

內起居注。由內檔鈔出存館備查。一載。

諭旨。惟每日第一條。書大學士某某奉。

諭旨。云云。以下各條。敘完事由。卽接書奉。

諭旨。云云。不再書大學士。至各部院衙門。

帶領引

見。俱係各部院面奉

諭旨。不書大學士字樣。一。載各本各摺。摘

敘事由。務期簡明精當。一。凡載

上諭

旨意。俱書大學士某奉

諭旨。惟

御門折本則書

上御何門及何殿聽政。部院各衙門官員
面奏畢。大學士某某。協辦大學士事
尚書某某。學士某某。以折本請

旨覆。請吏部奏請補某官一疏。

上曰云云。又覆請各部議某事一疏。

上曰云云。又覆請各省督撫某人奏某事

一疏。

上曰云云。折本載完之後。本日若有

上諭。則接書是日大學士某奉

諭旨云云。若有奏請事務。則接書是日吏

部奏請補授某官員缺一疏。大學士

某奉

諭旨云云。若有帶領引

見。則接書某部帶領某項人員引

見。奉

諭旨云云。一。凡載各部各旗事件。俱有次

序。如吏部引

見各官。京官在前。外官在後。病痊補用。及

降調革職各官。又在後。惟太常寺引

見。內有

皇朝詩林典故 卷三十一
壇

廟

陵寢字樣者。及八旗補授各

陵寢防禦等官。俱載在吏部引

見前。若無此等官。仍依次序分載吏部之

後。一。凡引

見官。無論大小俱載。惟押運官仍回原任

者不載。八旗引

見補授驍騎校。護軍校。及每月管印房米

局等官俱不載。一。凡載事件俱查照

原檔日期。惟

絲綸簿內所有補授各官俱以部檔引

見奉

旨之日爲定。若係文職則查吏部及各本

部帶領引

見日期。若係武職。則查兵部帶領引。

見日期。若係旗員。則查各旗帶領引。

見日期。接日記載。一。凡選授文武各官。如

教職。千把之類。不引。

見者。俱不載。如奉

特旨揀選。則俱載。一。凡吏部兵部推補推

陞及奉

旨出具考語送部引

見者不載。俟該員引

見之日。方行載入。一。載事次序。首

上諭。次部本。次通本。次旗摺。次京外各官

奏摺。先公後私。次各部院衙門引

見。次八旗引。

見。一。載。

上諭以本日事務大小輕重爲序。若事關

壇

廟。

陵寢俱首載。一部本。首內閣。次宗人府。次翰

林院。次六部。次都察院。次理藩院。若

遇有禮部慶賀。太常寺祭祀本俱列

在內閣之前。一。通本。首總督。次巡撫。督撫先後。以省分爲序。一。吏部引。

見次序。首月選。次翰林。次京堂。次科道。次

部屬官。

滿前漢後。

次小京官。外官以大小

爲次。首卓異官。次原任。次開復。次降調。次革職。次病痊。次起復。次六法官。次筆帖式。次廕生。兵部引。

見次序首京官

滿前漢後

次外官

已准題補在前題補在後

次降革次開復旗分次序首鑲黃

左翼

次正黃

右翼

次正白

左翼

次正紅

右翼

次鑲

白

左翼

次鑲紅

右翼

次正藍

左翼

次鑲藍

右翼

凡本旗首滿洲次蒙古次漢軍次護

軍。一。編纂記注。每月分作二冊。每年

計二十四冊。先成草本。由總辦記注

官。逐條查核增改。送掌完閱。定書明
年月。及當直官姓名。例以上年之事。
至次年分月排纂。前後謹撰敘跋冊。
中用翰林院印鈐縫。貯以鐵匭。扃鐃。
封識。歲十二月封篆前。具摺呈奏。俟
發下。記注官會同內閣學士藏之內。
閣大庫。其繕寫正本。則專派庶吉士。

副

本仍藏之本署

列聖記注副本已修

實錄者俱焚於

太液池

皇朝詞林典故卷三十一



